

■ TRIBUNA POLITICA

Tratga da muvel manidel al Plantahof

DA HANSJÖRG TRACHSEL,
CUSSEGLIER GUVERNATIV

La tratga da muvel manidel ha ina basa istorica en il chantun Grischun. Anc oz giuda la tratga da chauras bleras simpatias. Tar la tratga da nursas èn las relaziuns divididas. La tratga da nursas-mamma è ina branscha impurtanta particularmain en l'agricultura sco gudogn accessoric. La tratga da nursas da latg vegn cultivada tar nus mo da singuls pioniers.

La vendita da latg e da charn da la tratga da muvel manidel è ina sfida. Las consumentas ed ils consuments svizzers enonuschan quests products anc memia pauc u igl èn anc avant maun vegls pregiudizis. Adina dapli persuas stiman però questas spezialitads extraordinarias e lur caracteristicas.

Schebain che la produciu e la vendita da products da latg e da charn da la tratga da muvel manidel èn in fenomen marginal tar nus, cuntegna quest segment in grond potenzial da valorisaziun. Perquai ha la regenza decidì d'installar al Plantahof in center da cumpetenzza per la tratga da muvel manidel. Cun atgnas scossas da muvel manidel duain vegnir rimnadas experientschas e fatgs experiments.

A partir dal 1. da schaner 2014 fa il bain puril dal Waldhaus a Cuira part dal



Plantahof. Las stallas da muvel grond existentas vegnan populadas l'atun 2014 d'ina scossa da chauras strallas, d'in triep da nursas da latg da la razza Lacaune e d'ina muntanera da nursas-mamma da la razza da la nursa alpina alva. Tut en tut vegni fatg quint cun var 150 animals-mamma. Il bain puril Plantahof-Waldhaus duai restar vinavant in bain puril avert per la populaziun da la citad da Cuira e da ses conturns. Il muvel manidel è adattà fitg bain per il public.

Las atgnas muntaneras legidan a meglierar las tecnicas da produciu en la tratga da muvel manidel. Dumondas impurtantas da la sanadad d'animals e da la problematica d'epidemias duain vegnir respundidas cun far novas experientschas en la tratga da quests animals. Ils products da latg e da charn che vegnan fatgs duain daveventar pli enonuschents ed avrir novs circuls da clientella. Avant che ulte-

riurs purs grischuns sa deiditgeschan a la tratga da muvel manidel sto la vendita dals products esser segirada. In'auta qualitat dals products ed il fatg che las muntaneras da muvel manidel pon sa preschentar a la publicad en il bain puril Waldhaus èn duas premissas impurtantas per chattar novs consumentas e novs consuments.

Uschepert che las dumondas agronomas impurtantas èn scleridas e ch'ils products da latg e da charn vegnan reconuschiids d'ina vasta clientella pon puras e purs giuvens vegnir animads cun scolaziuns e cun cussegliaziuns da cumenzar sezs cun questas branschas attractivas e da las cultivar.

Fin ch'igl è però uschè lunsch stuain nus procurar ensemen cun ils pioniers actuals da la tratga da nursas da latg e da chauras che la tratga da muvel manidel sa sviluppa uschia sco la tratga da vatgas-mamma durant ils ultims 15 onns.

Sche Vos vulais sustegnair quest project e sche Vos essas da l'avis che la preschientscha da chauras e da nursas sin nossas pastgiras è in enritgiment, alura sagiai gia oz las spezialitads indigenas dal muvel manidel sco il jogurt da latg-nursa, il chaschiel da chaura frestg, la charn d'ansiel u in salsiz da charn da nursa!